

**Kalaallit Nunaata eqqaani aningaaasarsiornikkut
kisermaassiffiusumi umiarsuit imermik
oqimaaloqqutaasiviiniit tankiniit imermik
oqimaaloquuttamik aamma kinnernik ujaranngortunik
suliarinninneq pillugu nalunaarut**

Kalaallit Nunaata eqqaani aningaaasarsiornikkut kisermaassiffiusumi immami avatangiisit illersorneqarnerat pillugu inatsimmi nr. 1534, 19. december 2017-imeersumi § 16, imm. 2 aamma 3, § 17, imm. 4, § 29, § 32 aamma § 34, imm. 1 aamma § 44, imm. 1 aamma 2 malillugit, aamma erhvervsministeri aamma forsvarsministeri isumaqtigiaqatigereerlugit, aalajangersarneqarput:

Kapitali 1

Siunertaq, nassuaatit aamma nalunaarutip atuuffii

Siunertaq

§ 1. Imermik oqimaaloquuttamik piaalluni kuutsitsinermi uumasunik allanertanik siaruuaattartunik siaruatsaaliuinissaq siunertaralugu umiarsuit imermik oqimaaloqqutaasiviiniit tankiniit imermik oqimaaloquuttamik aamma kinnernik ujaranngortunik suliarinninneq pillugu maleruagassat nalunaarummi matumani aalajangersarneqarput.

Nassuaatit

§ 2. Nalunaarummi matumani makkua ima paasineqassapput:

1) Suussuseq sunniisartoq (aktiv stof): Suussuseq imaluunniit uumassusilik, ilaatillugit viruseq imaluunniit svampi, imermi uumassusilinnut ulorianartunut napparsimalersitsisartunullu nalinginnaasumik imaluunniit immikkullarissumik sunniisartoq imaluunniit pissusilertartartoq, aammalu imermik oqimaaloquuttamik passussinermut atorneqartartoq.

2) Imeq oqimaaloqut: Imeq, ilaatillugu imeq sukujulik, umiarsuup napparissusaanut, uerneranut, itsineranut, toqqinneranut imaluunniit oqimaarsarneranut nalimmassaatit umiarsuarmut immiunneqartartoq. Imeq, naggat siullermi allassimasut pissutigineqartutut eqqaaneqartunit allaanersumik pissutigineqartut umiarsuarmut immiunneqartoq, ilaatillugit nillusaaneq aamma nerisassiat assartorneqarnerat siunertaralugu, taamaallaat umiarsuarmut immiunneqartoq, imertut oqimaaloquuttatut isigisassaanngilaq.

- 3) Iermik oqimaaloquttamik passussiveqarfik: Sulliveqarfik, erngup oqimaaloqutip passunnissaanik suliaqarnissamut atorneqartartoq.
- 4) Iermik oqimaaloquttamik usisinnaassuseq: Umiarsuup imermik oqimaaloquttamik tank-iisa kubikmeter-inngorlugu katillugu usisinnaasaa.
- 5) Iermut oqimaaloquttamut tanki: Tamakkua umiarsuarmi tankit aamma iniat imaluunniit immikkoortortat, imermik oqimaaloquttamik assartuinissamut, immuinissamut imaluunniit imaarsinissamut atorneqartartut.
- 6) Sananeqarfia: Piffissaq taanna
- a) umiarsuup kujaavata inissinneqarfia,
 - b) sanaartornerup, umiarsuarmut aalajangersimasumut kinaassusiliussisup, aallartinneqarnera,
 - c) umiarsuup katiterneqarnerata aallartiffia aamma minnerpaamik 50 tonsinik imaluunniit umiarsuup katillugu timitaata 1 procentianik ilaqrartoq, taanna minneruppat, imaluunniit
 - d) umiarsuaq annerusumik allanngortiterneqartoq, ima paasillugu, umiarsuup imermik oqimaaloquttamik assartuisinnaanermut pisinnaasaanik 15 procentinik imaluunniit annerusumik allannguisumik, umiarsuup suussusaanik allannguisumik, umiarsuup atuussinnaanerata ukiunik 10-nik imaluunniit sivisunerusumik sivitsorneqarnissaanik pilersaarusrorneqarsimasoq, imaluunniit imermik oqimaaloquteqarfiini atortunik taarsiinermit allaanerusunik allanik allannguinernik nassataqartumik umiarsuaq allanngortiterneqartoq.
- 7) Umiarsuit allagartamik akuersissuteqartussat: Umiarsuit 400 tonsinik sinnerlugilluunniit tamakkiisumik oqimaassusillit umiarsuarniit mingutsitsinaveersaарneq pillugu nalunaarummi ilangussaq 1, malittarisassaq 7 malillugu akuersissummik pissarsinissamut pisussaaffeqartut.
- 8) Kalaallit Nunaata imartaani aningaasarsiornikkut kisermaassiffik: Aningaasarsiornikkut kisermaassiffik pillugu inatsimmik Kalaallit Nunaannut atulersinneqartoq pillugu peqqussut naapertorlugu, basislinnianiit qaqugumulluunniit atuuttuniit 200 sømilinik avassisuseqartoq tikillugu Kalaallit Nunaata øterritoriaanut attuumasoq aamma avataaniittoo imaq. Naalagaaffinnut allanertanut naleqqiullugu Kalaallit Nunaata imartaani aningaasarsiornikkut kisermaassiffiup killilersorneqarnera, Kalaallit Nunaata imartaani aningaasarsiornikkut kisermaassiffia pillugu nalunaarummi nr. 1020, 20. oktober 2004-meersumi allassimasutut pissaaq.
- 9) Kalaallit Nunaata øterritoriaa: Kalaallit Nunaata eqqaani øterritoriamic killeqarfiliisarneq pillugu peqqussut naapertorlugu territorialt farvand-imik taaneqartartoq nunamut attuumasoq imartaq ilorleq aamma avalleq.
- 10) Immikkoortiteqqissaakkamik misissueqqissaarneq: Imeq oqimaaloqutaasoq misissoqqissaagaq erngup oqimaaloquttap taarsernissaanut imaluunniit passunnissaanut, matumani nalunaarummi piumasaqaatit naapertorlugit

passunneqarsimaneranik ersersitsisumik, FN-ip Imarsiornermut Suliniaqatigiiffiata malittarisassiai naapertorlugit misiligummik sinniisuusinnaasumik misissueqqissaarneq.

11) Nunap isumaqatigiisummut ilaasup imertaqarfii: Nunap isumaqatigiisummut ilaasup inatsisitigut akisussaaffeqarfifiit, imiinnaqarfifit-, narsat attorneqanngitsoqarfifit- imaluunniit imartat tarajuusut, ilaatillugit nunap iluani immakkut aqqutit, tatsit, territorialfarvandip (tassaasut imartap nunamut attumasup) ilorlii aamma silarlii aammalu aningaasarsiornikkut kisarmaassiffiit.

12) Nutaanngorsaanermi atatillugu misissuineq: Umiarsuarniit mingutsitsinaveersaarneq pillugu nalunaarummi ilangussaq 1, malittarisassaq 6 malillugu umiarsuup IOPP-certifikatianik nutarsaanermut atatillugu umiarsuarnik minnerpaamik ukiut tallimakkaarlugit misissuineq.

13) Iermik oqimaaloquattamik passussineq: Erngup oqimaaloqutip passunnerani imaluunniit taarsernerani ingerlanneqartartut atortorissaarusersorluni, timitaasiroluni, akuugaassusersorluni aammalu uumassusilissorluni, ataasiakkaaraluni imaluunniit katiteraluni piaanissamik, ulorianarunnaarsaanissamik imaluunniit katersiuunnginnissamik imaluunniit imermi oqimaaloquattami aammalu kinnganerni art-inik allanertanik siaruaattartunik imaarsiuunnginnissamik siunertaqartut periaatsit.

14) Misilit sinniisuusinnaanngitsoq: Umiarsuup imermik oqimaaloquaanit tigusaq aammalu FN-ip Imarsiornermut Suliniaqatigiiffiata malittarisassiai naapertorlugit passutaq, erngup iluaniittunik uumassusilinnik aamma nappaatinik tunillaassuuttartunik tamakkiisumik sinniisuusinnaanngitsumik ersersitsisoq misilit.

15) Misissueqqissaarneq ersersitsisoq: Imeq oqimaaloquaasoq misissoqqissaagaq erngup oqimaaloquattap taarsernissaanut imaluunniit passunnissaanut, matumani nalunaarummi piumasaqaatit naapertorlugit passunneqarsimaneranik ersersitsisumik, FN-ip Imarsiornermut Suliniaqatigiiffiata malittarisassiai naapertorlugit misissueqqissaarneq.

16) Art-it allanertat siaruaattartut: Iermi uumassusillit, ilaatillugit uumassusillit minnerpaat nappaateqalersitsisartut (patogenenik taaneqartartut), imartarisamut eqqunneqarunik, ilaatillugu kuuit silataannut, imaluunniit kuunnut, avatangiisink, inuit peqqissusaannut pigisaannullu aseruinermut pissutaasinnaasut, uumassuseqassutsip amerlasuujuneranut annikillisaataasinnaasut imaluunniit sumiiffinnik taamaattunik eqqortumik atuinissamik akorngusersuisinnaasut.

17) Isumaqtigiissut: Umiarsuit imermik oqimaaloquaannik aamma kinnganernik Nakkutilliineq aamma Paassussineq pillugit Nunat Tamalaat Isumaqtigiissutaat, 2004.

18) Nuna isumaqtigiisummut ilaasoq: Nuna isumaqtigiisummut peqataasoq.

19) Sineriak: Tunngaviusumik killeqarfik, (nunap immallu killingat, qeqertat avallit ilaatillugit), nunani tamalaani eqqartuussisarneq naapertorlugu territorialfarvandip avallersaata aalajangerneqartarfianut aallaaviusoq.

20) Umiarsuaateqarfik: Umiarsuarmik piginnittoq imaluunniit kattuffik alla imaluunniit inuk, soorlu ingerlatsisoq (operatøri) imaluunniit umiarsuartaannaanik attartortoq

(bareboat-befragteren), umiarsuup piginnittuaniit umiarsuup ingerlanneqarneranut akisussaaffimmik tigusimasoq, tamatumunngalu atatillugu FN-ip Imarsiornermut Suliniqatigiiffianit aalajangersarneqartut, isumannaatsumik umiarsuarnik ingerlatsinermut nunani tamalaani malittarisassiat naapertorlugit pisussaaffinnik tamanik aammalu akisussaaffinnik tamanik tigusinissamut akuersimasoq.

21) Tigusiffigisamut tamarmut sinniisuusinnaasoq misiligt: Umiarsuup imermik oqimaaloqutaanit tigusaq misiligt FN-ip Imarsiornermut Suliniqatigiiffiata malittarisassiai naapertorlugit katersugaq aamma passutaq, imermi uumassusillit minnerpaat aamma napparsimalersitsisartut annertussusaannik tamarmiusumik sinniisuusumik assiliartaliisoq.

22) Kinnerit: Umiarsuup imermik oqimaaloqutaanit kinnganerit.

23) Umiarsuaq: Umiarsuaq sunaluunniit, imermik avatangiisini ingerlanneqartoq, umiarsuarnillu aqqartartunik, aaqqissuussanik puttasunik, sanaartukkanik puttasunik, toqqortuiffissianik puttasunik (FSU-nik taaneqartartunik) aammalu toqqortuinissamut-aamma umiartuussinissamut pisinnaassusiltilinnik sanaartuiffinnik puttasunik (FPSO-nik taaneqartartut) ilaqartoq.

24) Suussusillit immikkoortitat (suspendedede stoffer): Sukujuaqqaat aamma pujoralaat puttasut imaluunniit erngup iluaniittut, ilatillugit sukujuaqqaat aamma pujoralaat, imermik oqimaaloquettamut tankinik errortuinermut atatillugu immikkoorteqqitat.

25) Sumiiffik taarsersuiffik: erngup oqimaaloquettap passunneqanngitsup taarserneqarsinnaaffia sumiiffik qallunaat imaluunniit allamiut oqartussasauninit toqqagaasoq.

26) Imavik: Imaani inatsisitigut nunat killeqarfisa avataanniittut immat.

Nalunaarutip atuuffii

§ 3. Nalunaarummi uani pineqarput umiarsuit, danskit imaluunniit Kalaallit Nunaata erfalasuannik erfalasoqartut, Kalaallit Nunaata eqqaani aningaasarsiornikkut kisermaassiffusumiittut. Nunani tamalaani eqqartuussisarnermut akerliunngippat, danskit imaluunniit Kalaallit Nunaata arfalasuanik erfalasoqanngitsunut umiarsuarnut nalunaarut aamma atuutissaaq, Kalaallit Nunaata eqqaani aningaasarsiornikkut kisermaassiffiusumiittunut.

Imm. 2. Nalunaarut makkununnga atuutinngilaq:

1) Umiarsuit, erfalasui apeqqutaatinngagit, imermik oqimaaloquettamik atuinissamut sanaajunngitsut.

2) Umiarsuit, erfalasui apeqqutaatinngagit, taamaallaat imaarneqarneq ajortunik, ataavartumik imermik oqimaaloquettamut tankinik parnaaqgasunik atuisut.

3) Umiarsuit, erfalasui apeqqutaatinngagit, Kalaallit Nunaata imartaani, aningaasarsiornikkut kisermaassiffiup iluinnaani suliallit, imavissuarmilu.

4) Umiarsuit, katillugu 50 meter-inik naannerit aammalu imermik oqimaaloquuttamik annerpaamik 8 kubikmeterinik nassartartut, sukisaarsarnernuinnaq imaluunniit unamminernuinnaq atorneqartartut, imaluunniit pingaartumik ujaasinernut aamma annaassiniarnernut atorneqartartut. Taamaattoq umiarsuit taamaattut imeq oqimaaloquataq aamma kinnerit usigisatik sabinngisamik §§ 5-9-mi piumasaqaatit naapertorlugit passuttassavaat.

5) Umiarsuit sorsuutit imaluunniit umiarsuit allat, naalagaaffimmit pigineqartut imaluunniit atorneqartut, aammalu naalagaaffimmut tunngasunut, aningaasarsiutituunngitsoq atorneqartut. Taamaattoq umiarsuit taamaattut imeq oqimaaloquataq aamma kinnerit usigisatik sabinngisamik §§ 5-9-mi piumasaqaatit naapertorlugit passuttassavaat.

§ 4. Iermik oqimaaloquuttamik passussinissamut §§ 5-9-mi piumasaqaatit makkununnga atuutinngillat:

1) Umiarsuarmi isumannaallisaaneq eqqarsaatigalugu pisariaqartillugu imaluunniit inuup inuuneranik annaassiniarnermut pisariaqartillugu oqimaaloquuttamik kinnernillu usilorsoneq aamma igitsineq.

2) Umiarsuarmi imaluunniit atortunik aserortoqarnerata kingunerisaanik imermik oqimaaloquuttamik aamma kinnganernik siunertaanngitsumik imaarsineq ajoqusernerup siornagut kingornagullu upalungaarsaatit naleqquttut tamarmik atuussimappata, imaluunniit imaarsinerup imaluunniit ajoqusernerup paasineqarnera sioqqullugu imaluunniit kingoqqullugu, imaarsinerup pitsaaliornissaanut imaluunniit killilersimaarnissaanut, umiarsuaateqarfiup imaluunniit umiarsuarmik ingerlatsisoq piaaraluni imaluunniit mianersuaalliorluni ajoquserneq pitissimanngippagu.

3) Umiarsuarmiit mingutsitsinerup pitsaaliornissaa imaluunniit killilersimaarnissaa siunertalarugu imermik oqimaaloquuttamik kinnganernillu usilorsoneq aamma imaarsineq.

4) Imarpimmiinnaq immiunneqarsimasumik imermik oqimaaloquuttamik aamma kinnganernik imarpimmi imaarsineq.

5) Sumiiffinnit allanit passunneqanngitsumik imermik oqimaaloquuttamik akulerussisoqarsimanngippat, imeq oqimaaloqu aamma kinnganerit, sumiiffimmi tassanerpiaq immiunneqartut aamma imaarsissutigineqartut.

Kapitali 2

Iermik oqimaaloquuttamik passussineq

§ 5. Umiarsuit, tak. § 3, imm. 1, 8. september 2017-imi kingusinnerusukkulluunniit sananeqartut, imermik oqimaaloquuttatik § 7-imi taarseeriaatsitut pitsaassusilimmik

periuseqarlutik passuttassavaat, aammalu imermik oqimaaloquqtamik passussineq isumaqatigiisummi malittarisassiaq G4 malillugu pisassaaq, taamaattoq tak. imm. 6.

Imm. 2. Umiarsuit, tak. § 3, imm. 1, 8. september 2017 sioqqullugu sananeqartut, imermik oqimaaloquqtatik § 6-imi taarseeriaatsitut pitsaassusilimmik periuseqarlutik passuttassavaat, aammalu imermik oqimaaloquqtamik taarsiineq isumaqatigiisummi malittarisassiaq G6 malillugu pisassaaq, taamaattoq tak. Imm. 3-6.

Imm. 3. Umiarsuit akuersissuteqarnissamut pisussaaffeqartut, 8. september 2017 sioqqullugu sananeqartut, nutaamik misissorneqartut 8. september 2017-ip aamma 8. september 2019-ip akornani, kingusinnerpaamik ullormi tulliuttumi nutaamik misissorneqarnissaminni, taamaattoq siusinnerpaamik 1. juli 2021-mi, imeq oqimaaloqqutarisartik imatut passutissavaat, § 7-mi suliarinninnermut periaatsimik naliginnaasumik naammassinnittumik, aammalu imermik oqimaaloquqtamik suliarinninneq isumaqatigiisummi malittarisassiaq G4 malillugu pisassaaq, taamaattoq tak. Imm. 6.

Imm. 4. Umiarsuit akuersissuteqarnissamut pisussaaffeqartut, 8. september 2017 sioqqullugu sananeqartut, 8. september 2019-ip kingorna nutaamik misissorneqatut, kingusinnerpaamik ullormi tulliuttumi nutaamik misissorneqarnissaminni, taamaattoq siusinnerpaamik 1. juli 2021-mi, imeq oqimaaloqqutarisartik imatut passutissavaat, § 7-mi suliarinninnermut periaatsimik naliginnaasumik naammassinnittumik, aammalu imermik oqimaaloquqtamik suliarinninneq isumaqatigiisummi malittarisassiaq G4 malillugu pisassaaq, taamaattoq tak. Imm. 6.

Imm. 5. Kingusinnerpaamik ulloq 8. september 2024, umiarsuit tamarmik, tak. § 3, imm. 1, imeq oqimaaloqqutarisartik imatut passutissavaat, § 7-mi suliarinninnermut periaatsimik naliginnaasumik naammassinnittumik, aammalu imermik oqimaaloquqtamik suliarinninneq isumaqatigiisummi malittarisassiaq G4 malillugu pisassaaq, taamaattoq tak. Imm. 6.

Imm. 6. Umiarsuit imm. 1-5-imi imermik oqimaaloquqtamik passussinermut piumasqaatinik naammassinninneq qinersinnaavaat, imeq oqimaaloqqutartik imermik oqimaaloquqtamik tigooraasumut nuunneratigut, § 7, imm. 1-imi aamma 2-mi suliarinninnermut periaatsimik naliginnaasumik naammassinnittumut, aammalu pilersinnejarsimasumut isumaqatigiisummi malittarisassiamut G5-imut naapertuuttumik.

§ 6. Umiarsuit, § 5, imm. 2 naapertorlugu, imermik oqimaaloquqtamik taarsiumallutik aalajangersinnaasut qulakkiissavaat, umiarsualivikkoornerni atorneqartut imermik oqimaaloquqtat tankiiniittut tamarmik minnerpaamik 95 procentii taarserneqassasut. Imermik oqimaaloqutinut tankit pumperinikkut taarserneqarpata, umiarsualivikkoornerni atorneqartut, imermik oqimaaloquqtat tankiiniittut annertussusaasa minnerpaamik pingasoriaataat pumperissutigineqassaaq.

Imm. 2. Imm 1 naapertorlugu imermik oqimaaloquqtamik passunneqanngitsumik taarsiineq imaani minnerpaamik 200 meterinik itissusilimmi aamma umiarsuarmut qaninnerpaamiit sineriammiit minnerpaamik 50 sømilinik avasitsigisumi, aammalu,

tamatumunnga toqqagaasumi taarsiineq pissanngippat, umiarsuup angallavissaanut naleqquppat, umiarsuarmut qaninnerpaamiit sineriammiit minnerpaamik 200 sõmilinik avasitsigisumi pissaaq.

Imm. 3. Umiarsuarmi pilersaarutigineqartutut aqqutissamiit saneqqutsitinnani imm. 2-mi piumasaqaatit naammassineqarsinnaanngippata, imaluunniit angalanissaq tamanna kinguaattoorpat, umiarsuullu aqqutissamini sumiiffik taarsiivigineqartussaq aqusaarneqassanngippat, imermik oqimaaloquettamik taarsiinissaq umiarsuup pisussaaffiginngilaa.

§ 7. Imermik oqimaaloquettamik passussinermi, imaarsissutaasoq imeq oqimaaloquaasoq, makkuninnga imaqartoq qulakkeerneqassaaq

- 1) minnerpaatut uuttuummik 50 mikrometerisut imaluunniit annerusunik kubikmeterimut uumassusillit minnersaannik uumasinnaasunik qulinik ikinnerusut aamma
- 2) minnerpaatut uuttuummik 10 mikrometerisut imaluunniit annerusunik aamma minnerpaatut uuttuummi 50 mikrometerinik minnerusunik militer-imut uumassusillit minnersaannik uumasinnaasunik qulinik ikinnerusut.

Imm. 2. Imm. 1-imi piumasaqaatit saniatigut, indikatormikroberinik (uumassusilinnik minnerpaanik ersiutaasunik) imaarsineq, inuup peqqissusaanut naligititanik qaangiinnginnissaa qulakkeerneqassaaq makkununnga:

1) Toksigene Vibrio cholerae (O1 og O139) tassaasut koleramik tunillaassuuttumut tunngaviusut bakterissat, 100 mililiterimut uumassuseqaqtigiikkutaanik ataatsinik peqatigiinnik (cfu) minnerusut imaluunniit (masattuutilugu oqimaassuseq) uumasut minnerpaartaannik misiligummut (dyreplanktonprøver) 1 gramimut 1 cfu-mik minnerusut.

2) Echerichia coli tassaasut bakterissat marniliuutsitsisinnaasut (ilaat nalinginnaasumik inuit uumasullu erlaviiniittuugaluartut) 100 mililiterimut 250 cfu-mik minnersut.

3) Intestinale enterokokker tassaasut inuit uumasullu anaanni bakterissat, 100 mililiterimut 100 cfu-mik minnerusut.

Imm. 3. § 11 naapertorlugu qallunaat oqartussaasuinit akuerisaasumik, imaluunniit isumaqtigiissuteqaqataasumit nunami allami assingusumik oqartussaasunut akuerisaasumik, aammalu passussiveqarfik suussutsinik sunniisartunik atuisuuppat, taamatuttaaq § 11, imm. 4 naapertorlugu FN-ip Imarsiornermut Suliniaqatigiiffianit akuerisaasumik imermik oqimaaloquettamut passussiveqarfimmik atuinikkut imermik oqimaaloquettamik passussineq pisassaaq.

§ 8. Umiarsuit, sapinggisamik ajornanngippat, imermi uumassusilinnik minnerpaanik ajoqsiisartunik aamma nappaatinik tunillaassuuttunik imalimmik, ilaattilligit naanerit toqunartullit sikkerapilofigisartagaanni sumiiffinni, imermik oqimaaloquettamik usilersornissaq ingalassimaniassavaat.

Kapitali 3

Kinnganernik passussineq

§ 9. Kinngarngit imaanut imaarsissutigeequsaanngillat.

Imm. 2. Iermik oqimaaloquuttamut tankiniit kinnganernik piaasoqartariaqarpat, tamanna pisassaaq imatut, kinngarngit imaluunniit tamakkua sinnkui imani avatangiisinut attuinissaat ernumanaateqassanani.

Kapitali 4

Immikkut ittumik akuersissutit

§ 10. Immikkut ittumik akuersissut pillugu qinnuteqaat nunap isumaqtigiiissuteqaqataasup imertaqarfisa iluanni imermik oqimaaloquuttamik aniatitsinissamik ilaqrpat, taamatuttaaq nuna isumaqtigiiissuteqaqataasoq tamatuminnga nalunaarfigineqassaaq. Kalaallit Nunaata imartaa (søterritoriaa) umiarsuup aqutissaanut qinnuteqartup ilaippagu, immikkut ittumik akuersissut pillugu peqatigiilluni aalajangiinissaq siunertaralugu, Naalakkersuisut aamma Avatangiisinut Aqutsisoqarfiup akornanni ataqtigissaarisoqassaaq. Artikik allanertanik siaruaattartunik kingunerlutsitsisussamik eqqussuussinissamut navianaat annikitsuusoq Avatangiisinut Aqutsisoqarfiup nalilerpagu, immikkut ittumik akuersissut taamaallaat tunniunneqassaaq.

Imm. 2. Isumaqtigiiussumi malittarisassiaq G7 naapertorlugu qinnuteqartumit suliarineqartoq navianaammut naliliineq tunngavigalugu immikkut ittumik akuersissut tunniunneqassaaq. Qinnuteqartup akiligaanik imermik oqimaaloquuttamik passunneqanngitsumik imaarsinermut atatillugu navianaatinik misissuinerup inernerinik naammassinnittooqassasoq aammalu nassiussisoqassasoq, ilaatillugit misissuinerup annertussusissaanut aammalu imarisassaanut piumasaqaatinik saqqummiilluni, Avatangiisinut Aqutsisoqarfiup piumasaqaateqarsinnaavoq.

Imm. 3. Sivisunerpamik piffissarititamik ukiunik tallimanik sivisussusilimmik immikkut ittumik akuersissuteqartoqartassaaq.

Imm. 4. Umiarsuit, immikkut ittumik akuersissutaasinnaasumut ilaatinneqartut, immikkut ittumik akuersissummut ilaatinneqartuniit sumiiffinneersut imaluunniit umiarsualivinneersut imermik oqimaaloquttat taamaallaat akulerussinnaavaat. Umiarsualivinneersumik imaluunniit sumiiffinneersumik allamiit imermik oqimaaloquuttamik akulerussisoqarpat, taava pitsaassutsimut sorlermut umiarsuaq ilaatinneqarnersoq apeqqutaalluni, imeq oqimaaloqutaq akulerussaq §§ 6 imaluunniit 7 naapertorlugu taarserneqassaaq imaluunniit passunneqassaaq, taamaalisoqareerpallu umiarsuup immikkut ittumik akuersissut atuuttoq imminut naqissuseqqissinnaanngussavaa.

Imm. 5. Imm. 1-i naapertorlugu immikkut ittumik akuersissut pillugu qinnuteqaat, FN-ip Imarsiornermut Sulinaqtigiiiffianik ilisimatitsisussamut Avatangiisinut Aqutsisoqarfimmut nassiunneqassaaq.

Kapitali 5

Imermik oqimaaloquttamut passussiveqarfiup type-anik akuersineq

§ 11. Qinnuteqaat tunuliaqutaralugu imermik oqimaaloquttamut passussiveqarfiup type-anik akuersinermut Avatangiisinut Aqutsisoqarfik isumaginnittuussaaq. Imm. 4 naapertorlugu tamatuminnga atuineq FN-ip Imarsiornermut Suliniqatigiiffianit akuerisaappat suussutsinik sunniisartunik atuisuusoq passussiveqarfiup type-anut akuersissummik Avatangiisinut Aqutsisoqarfik atulersitsissaq. *Imm. 2.* Type-anik akuersissuteqarnermut ilagitillugu § 7-imi passussinissamut piumasaqaatit passussiveqarfimmit naammassineqarnersut nammineq akilikkaminik upernarsassagaa Avatangiisinut Aqutsisoqarfiup qinnuteqartoq qinnuigissavaa. *Imm. 3.* FN-ip Imarsiornermut Suliniqatigiiffianit atulersitaasut imermik oqimaaloquttamut passussiveqarfiit type-annik akuersinissamut isumaqatigiissummi malitarisassiat qaqugukkulluunniit atuuttut eqqarsaatigalugit Søfartsstyrelsen-imit akuerisaasut kattuffiit ilaannik ataatsimik suleqateqarluni imm. 2-mi eqqaaneqartoq upernarsaammik allakkiorneq qinnuteqartup suliarissavaa. *Imm. 4.* Avatangiisinut Aqutsisoqarfiup nalilerpagu, imermik oqimaaloquttamut passussiveqarfik suussutsinik sunniisartunik atuisartoq, tamanna atuineq FN-ip Imarsiornermut Suliniqatigiiffianit isumaqatigiissummi malitarisassiaq G9 naapertorlugu aallarnisaataasumik aammalu tamatuma kingorna inaarutaasumik akuersinermik ilusilikamik akuerineqassaaq. Tamanna qinnuteqartumut nalunaarutigineqassaaq, tamatumunngalu peqatigitillugu aallarnisaataasumik aammalu tamatuma kingorna inaarutaasinnaasumik akuersinermut FN-ip Imarsiornermut Suliniqatigiiffia akilummik piumasaqaateqartnera nalunaarutigineqassalluni. Akiliineq FN-ip Imarsiornermut Suliniqatigiiffiata ilaatinneqarneranik isumaginnittuusumut Avatangiisinut Aqutsisoqarfimmut pisassaaq.

Kapitali 6

Nakkutilliineq, misiligutissanik tigusisarneq aamma akuliunneq

§ 12. Nalunaarummi matumani malitarisassat eqqortinneqarnersut Avatangiisinut Aqutsisoqarfiup nakkutigissavaa.

§ 13. § 12 malillugu nakkutilliineq tunulequtaralugu nalunaarummi malitarisassat equutitinneqarnersut Avatangiisinut Aqutsisoqarfik nalornippat, imaluunniit Avatangiisinut Aqutsisoqarfik unioqqutitsinerusinnaanermik allatigoorlugu ilisimannilerpat, umiarsuup imermik oqimaaloqutaanit misiligummik sinniisuusinnaanngitsumik tigusinissamik aamma

misissueqqissaarnermik ersersitsisumik ingerlataqarnissamut Avatangiisinut Aqutsisoqarfimmit iliuuseqartoqassaaq.

Imm. 2. Imermik oqimaaloquttamik passussinissamut matumani nalunaarummi piumasaqaatit umiarsuup pineqartup eqqortinngikkai imm. 1-imi eqqaaneqartoq misissueqqissaarneq ersersitsippat, umiarsuup tigummigallarneqarnissaa pillugu Avatangiisinut Aqutsisoqarfimmit Søfartsstyrelseni qinnuigineqarsinnaavoq, umiarsuup imermik oqimaaloquaanit sinniisuuusinnaasumik misiligummik tigusereertoqarserlugu. Tigummigallaaneq umiarsuarmut kinguaattoornermik pisariaqanngitsumik imaluunniit aningaasartuutinik pisariaqanngitsunik nassataqassanngilaq.

Imm. 3. Imermik oqimaaloquttamik passussinermut matumani nalunaarummi piumasaqaatinik umiarsuup eqqortitsineranik ersarissaanissaq siunertalarugu misiligummik imm. 2-mi eqqaaneqartumik immikkoortiteqqissaarlugu misissueqqissaartussamut, laboratorie-mut attuumassuteqanngitsumut Avatangiisinut Aqutsisoqarfimmit nassiunneqassaaq.

§ 14. §§ 12 aamma 13 malillugit alapernaarsuinermut aamma nakkutilliinermut atatillugu, avatangiisinut, inuit peqqissusaannut imaluunniit pigisaannut ajoqusiisinnaanerata avataagut suliarineqarsinnaalerserlugu umiarsuaq imermik oqimaaloquttamik imarsissanngitsoq, Avatangiisinut Aqutsisoqarfimmit qulakkeerneqassaaq, taamaattoq tak. § 4.

§ 15. Manna nalunaarut umiarsuup unioqqutissimappagu, Avatangiisinut Aqutsisoqarfimmit unioqqutitsineq pillugu umiarsuaateqarfik ilisimatinneqassaaq, qulakkeerlugulu matuminnga nalunaarummik eqqortitsiniarneq qulakkeerniarlugu umiarsuaq piumasaqaataasumit sivisunerusumik tigummigallarneqassanngitsoq imaluunniit kinguaattoortinneqassanngitsoq.

Kapitali 7

Pineqaatissiissutit

§ 16. Inatsisit allat malillugit annerusumik pillaatissiisoqarsimannngippat, akiliisitsinermik eqqartuunneqassaaq, taanna

- 1) §§ 5-7-mut akerliusumik imermik oqimaaloquttamik passussisoq,
 - 2) §9-mut akerliusumik kinnganernik passussisoq,
 - 3) § 10 malillugu immikkut ittumik akuersissummi piumasaqaatinik unioqqutitsisoq, imaluunniit
 - 4) § 10 malillugu immikkut ittumik akuersissut pillugu qinnuteqaammut atatillugu paasissutissanik eqqunngitsunik tunniussisoq
- Imm. 2.* Imm. 1-imi eqqaaneqartunik maleruagassanik unioqqutitsineq, piaaraluni imaluunniit ingasattumik mianersuaalliorumik unioqqutitsineruppat Kalaallit Nunaannut

pinerluttulerinermi inatsit malillugu pineqaatissiissutinik allanik eqqartuussaanermik nassataqarsinnaavoq aammalu unioqqutitsinermi

1) avatangiisnik aseruisoqarsimappat imaluunniit taamaalisoqarnissaanut tamatumunngaa navianartorsiortitsisumik, imaluunniit

2) Pineqartumut namminermut imaluunniit allanut aningaasaqarnikkut iluatsitsinissamik, ilaattilugu sipaarutinik, pissarsisoqarsimappat imaluunniit siunertaasimappat.

Imm. 3. Unioqqutitsinernut umiarsuarnit allamiunit piliarineqartunut imm. 2 atuutinngilaq.

Imm. 4. Matumani nalunaarummi aalajangersakkanik unioqqutitsinermut ingerlatseqatigiiffimmit piliarineqartumut il.il. (inatsisitigut akisussaasuuuitaasumit) Kalaallit Nunaannut pinerluttulerinermi inatsimmi kapitali 5-mi malillugu akiliisitsinermut akisussaaffik ingerlatseqatigiiffimmut tutsinneqarsinnaavoq.

Kapitali 8

Tamanut nalunaarutiginninneq aamma atuutilerfissaq

Tamanut nalunaarutiginninneq

§ 17. Isumaqtigiissut aammalu tamatumunngaa malittarisassiat G4, G5, G6, G7 aamma G9, matumanngaa nalunaarummit innersuussutaasut, umiarsuit imermik oqimaaloquitaannut tank-iinit imermik oqimaaloquttamik aammalu kinnganernik passussineq pillugu nalunaarutikkut Inatsisink nutaarsiassaqartitsivimmi (Lovtidende-mi) allassimapput.

Atuutilerfissaq

§ 18. Nalunaarut ulloq 1. januar 2021 atuutilissaaq.

Miljøministeriet, ulloq 23. maj 2021

LEA WERMELIN

/ Katrine Nissen